

2020-mut Illassutissatut aningaasaliissutinut Inatsisissatut siunnersuut
 (Aningaasaqarnermut Nunamullu Namminermut Naalakkersuisoq)

Saqqummiussissut

(Aningaasaqarnermut Nunamullu Namminermut Naalakkersuisoq)

Siullermeerneqarnera

Matumuuna Naalakkersuisut sinnerlugit 2020-mut Illassutissatut aningaasaliissutinut Inatsisissatut Siunnersuut saqqummiutissavara. Naalakkersuisut pillugit Inatsisartut inatsisaanni § 16-imik aalajangersakkani takuneqarsinnaavoq aningaasartuutit Inatsisartunut tunngassutillit Aningaasaqarnermut Akileraartarnermullu Ataatsimiititaliamit akuersissutigineqartut ukiumoortumik illassutissatut aningaasaliissutissanut inatsimmi ataatsimoortinneqassasut, taakkulu ukumi aningaasanut inatsiseqarfiusumi tulliuttumi Inatsisartut ileqquusumik ataatsimiinneranni siullermi oqaluuserineqassasut.

2020-mut Illassuttitut Aningaasaliissutinut inatsisissatut siunnersuut taamaalluni kingumoortumik aningaasaliinertut isigineqassaaq. Illassutissatut aningaasaliissutissanut inatsimmi aalajangiinerit Naalakkersuisut aningaasanut inatsimmi oqaasertaliussatigut piginnaatitaaffigisai aamma Aningaasaqarnermut Akileraartarnermullu Ataatsimiititaliap Suleriaasiani 2020-mut aningaasanut inatsiseqarfiusumut aalajangiiffigineqareersut iluarsineqareertarput. 2020-mut Illassutissatut aningaasaliissutinut Inatsit ilanngussaq 1-imik ilaqrpoq, tassanilu aningaasaliissutissanut allannguutit 2020-mi akuersissutigineqareersut ilaapput aamma ilanngussaq 2-mi 2020-mi oqaasertaliussanik allannguinernik akuersissutaareersunik takutitsisoq ilaalluni.

2020-mut Aningaasanut Inatsit aamma 2020-mut Illassutissatut aningaasaliissutissanut Inatsisissatut Siunnersuut ukiumut aningaasanut inatsiseqarfiusumut 2020-mut aningaasaliissutaasunut tamarmiusunut takutitsiffiupput. Taakku aningaasaliissutaasut Nunatta Karsiata 2020-mut Naatsorsuutaanut tunngaviussapput. 2020-mut inaarutaasumik naatsorsuutit 2020-mut Nunatta Karsiata Naatsorsuutaaniissapput.

2020-mut Aningaasanut Inatsit missingersuutigineqartutut IST-mi 59,1 mio. kr.-nik sinneqartoorfiusussatut aamma missingersuutaasutut IS-imik 49,6 mio. kr.-nik sinneqartoorfiusussatut takutitsivoq.

2020-p ingerlanerani ilassutissatut aningaasaliissut Inatsisartut Aningaasaqarnermut Akileraartarnermullu Ataatsimiititaliaanit akuerineqarsimasut IST-mi inernernut missingersuutaasunut 211,7 mio. kr.-nik aamma ataatsimut isigalugu IS-ip inernerinut 504,8

mio. kr.-nik ajornerulersitsivoq. Ajornerulersitsineq ilaatigut COVID-19 tunngavigalugu sulisartunut inuussutissarsiuteqartunullu ikioriissutinut ilassutissatut aningaasaliissutinik akuersissuteqarnermik pissuteqarpoq.

Tamanna tunngavigalugu Illassutitut aningaasaliissutinut Inatsisisstatut Siunnersuummi takuneqarsinnaavoq ukiumi aningaasanut inatsiseqarfiusumi 2020-mi IST-mut missingersuusiarineqarsimasoq 152,6 mio. kr.-nik amigartooruteqarfiussasoq aamma IS-imut missingersuusiarineqarsimasoq 455,2 mio. kr.-nik amigartooruteqarfiussasoq.

Taamatut oqaaseqarlunga Naalakkersuisut 2020-mut Illassutitut aningaasaliissutinut inatsimmut siunnersuutaat Inatsisartunut suliassanngortippa.